

Date – 17/02/2026
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Mizoram Legislative Assembly Budget Session chu vawiin chawhma dar 10:30 hian Assembly House-ah tan a ni ang.
2. Mizoram Universal Health Care Scheme kalpui a nih hnuah sorkar damdawiin pantu an pung nasa.
3. Prime Minister Narendra Modia chuan India-AI Impact Summit 2026 chuan mihringte tan Artificial Intelligence hmanga hmasawna thlen tura ramin a thawh nasatzia tilangtu a ni a ti.
4. Union Electronics and Information Technology Minister Ashwini Vaishnav chuan ramchhunga technology behchhana thil thar siam chhuak thinte sum thawhchhuah a pung a ti.

<><><>

ASSEMBLY SESSION

March 16 thleng aw h tur Mizoram Legislative Assembly 9-na thutkhawm wawi 6-na chu vawiin chawhma dar 10:30 hian Mizoram Legislative Assembly House-ah tan a ni ang; session atan hian nimin chawhnu dar 3 thleng khan House chhunga chhan chi zawhna (starred question) 1,223 a lut tawh a, ziaka chhan chi (un-starred question) 407 a lut tawh a, dan siam danglam tura rawtna (amendment bill) pathum leh bill pangngai pakhat a lut tawh.

Vawiin session tan hunah Governor General Retd Vijay Kumar Singh an thu a sawi dawn a; tun thla ni 26-ah kum 2026-2027 Mizoram budget chu Finance enkawltu chief minister Pu Lalduhoma'n a pharh ang.

Nimin tlai thlenga bill lut tawhte chu - Law & Judicial department atangin bill pahnih - 'The Mizo Marriage Divorce Inheritance of Property (Amendment) Bill, 2026' leh The Mizoram Jan Vishwas (Amendment of Provisions) Bill, 2026 te, Finance department atangin 'The Mizoram Goods and Services Tax (First Amendment) Bill, 2026' te, Land Revenue & Settlement department atangin 'The Mizoram (Prevention of Public Land Encroachment) Bill, 2026' te a ni a; MLA 10 hnen atangin resolution 5 theuh a lut tawh a, resolution hi a vaiin 50 a lut tawh a ni.

<><><>

BANA KAIH

Mizoram Sawrkar Flagship programme 'Bana Kaih Scheme' hnuai Chief Minister's Special Package sem chhuahna hun leh Bana Kaih Scheme hnuai Loan laten a pung an lo rulh tawh pek letna hun nimin khan Aizawlah hman a ni a.

He hunah hian Adviser to Chief Minister (Implementation of Handholding Policy) Dr. KC Lalmalsawmzauva chuan thusawiin Bana Kaih Scheme chu Mizoram tihmasawn tura thiamna leh theihna nei, mi taima leh hlawhtlin tum tlat mite zawn chhuah a, eizawna ngelnghet an neih theihna tura tanpuina pek a ni a ti

a, Hlawhtlin ngei tumte chauh thlanchhuah an nih theih nan Sawrkar Department hrang hranga thawktute pawhin dilna lut thlitfim leh vil zui hna uluk takin an kalpui thin thu sawiin, Bana Kaih Scheme hnuuia Progress Partner ni tura thlan chhuah zingah loan rul tha lo an awm hriat a nih loh thu a sawi.

Adviser to Chief Minister chuan Bana Kaih Scheme hnuuia CM Special Package dawngtu zinga hma la tha thlanchhuah a nih tur thu leh chungte hnenah chuan lawmman buatsaih a nih tur thu a sawi a. March thla chhung hian Mizoram district tinah Bana Kiah Scheme Awareness Campaign buatsaih a nih tur thu a sawi bawk a. Mizoram Sawrkar Flagship Programme Bana Kaih Scheme hnuuia mawhphurhna neite chuan Mizoram tih hmasawna kawngah chanvo pawimawh tak an chelh mek a ni tih hriain, kuthnathawktute, thiamna leh theihna neite dawmkanna kawngah, ram hmangaihna rilru nena thahnemngai taka thawk zel turin a fuih bawk a ni.

Pu Lalfakzuala, CEO (Handholding Scheme) tarlan danin Bana Kaih Scheme kaltlangin February ni 10 thleng khan chhungkaw 384 hnenah loan pekchhuah a ni tawh a, Cheng Vbc. 34 a tling tawh a. Loan rul thate, an loan punna (Interest) hi Sawrkarin thla ruk danah a pek sak dawn a, thla ruk dana a punna hmasa ber Cheng Nuai 15 chu nimin khan loan pe chhuaktu bank kutah pek a ni bawk a ni.

Handholding Scheme CEO chuan Phase –I hnuuia loan hmu tur thlan tawhte bakah hian Phase-ii hnuuia loan hmu tur hi chhungkaw 147 thlan a nih leh tawh thu a sawi a. CM Special Package hnuuia Progress Partner thlanchhuah mi 2713 hnenah Cheng Vbc. 22 pekchhuah a ni a. Phase –II hnuuia chhungkaw 458 hnena pek tur Cheng Vbc. 2 chu nimin khan tihchhuah a ni a. Phase –II kalpui leh hnu hian Progress Partner 917 thlan a nih tawh thu a tarlang bawk a ni.

<><><>

MUHCS

Mizoram Universal Health Care Scheme kalpui a nih hnuah sorkar damdawiin pantu an pung nasa a. Bill endik tawh za zela 70 chu sorkar hospital-a lut a ni.

MUHCS thuneitu sang Governing Body, an chairman Pu Lalduhoma, Chief Minister hova nimina CM Conference Hall-a thutkhawmah he thu hi tarlan a ni a, Sorkar hospital-a lutte hi tam zawk mahse an bill erawh chu bill pawm tawh zawng zawng atanga zaa sawmthum 39 a ni thung tih a ni a, Private hospital pantute bill a san bik chhan hi natna khirkhan bik, Thluak zai, Thin thlak leh Kal thlak ang chite an nih thin vang a ni tlangpui an ti a ni.

Meeting chuan sorkar hospital te thuam chak zel a tul hle ah a ngai a. Sorkar hospital leh empanelled hospital-a enkawl theih natnate chu a theih chin chinah non - empanelled private hospital-a refer loh ni se, an ti a. Non - empanelled hospital-a enkawl tura refer theihna dan Emergency / Life Threatening Situation pawh a natna kalpui theih chin Chiang leh zuala sawifiah a ni ang.

MUHCS ah hian chhungkaw 20,198 mihring 80, 792, pensioner chhungkaw 10,236 mihring 40,944, sorkar hnathawk chhungkaw 35,325 mihring 1,41,300 leh AB PMJAY chhungkaw 2,22,943 mihring 8,91,772 awmna, a vaiin chhungkaw 2,88,702 te, a mihringa mi 11,54,808 te chu an inziaklut a.

Tun kum kal mekah chhungkaw inziaklut zawng zawng atanga chhuta za zela 29 ten medical bill an thehlut a, chu chu mihring inziaklut zat atanga chhutin za zela pasarih 7 an ni.

He huna tarlan anih danin, Sorkar hian empanelled hospital-te hnenah ni 30 chhungin bill a pe chhuak thin ang tia dan siam a nih lain sum leh pai dinhmun a that avangin kartin pawisa hi an pe chhuak thin zawk a. Chuvangin, empanelled hospital-te tan harsatna engmah a awm rih lova ngaih a ni.

Tun kum kal mek MUHCS atana fund hmuh tawh zawng zawng hi cheng vbc 154 vel a ni a, la hmuh tur cheng vbc 48 vel a la awm a. Damlo bill endik tawh hi 83,682 niin bill pek chhuah tawh zat hi cheng vbc 126 vel a ni. Bill endik tur cheng vbc 38 vel a la awm a, endik thuai a ni ang, an ti.

MUHCS hi sorkar pawisa kum mila kalpui a ni a, pawisa kum thar atanga chak zawka kalpui a nih theih nan meeting hian ruahmanna an siam a. Committee tihlem pawh tha an tih angin Core Committee chu tihbo tawh tur a ni.

<><><>

MPSC

Mizoram Public Service Commission MPSC chuan Mizoram Civil Service Combined Competitive Examination 2025 Final Result tun thla ni 9 a a tihchhuah chu a hnukkir a,

Hemi chungchanga MPSC thuchhuah tarlan danin, a tira hriat theih loh thuthar a awm avangin candidate zinga pakhat chu a tlinglo tih hmuhchhuah a ni tih sawiin a, Final result hi ennawn a, siamthat a ni dawn a, a siamthatna tihchhuah a ni velehe result hi sut nghal a ni ang a ti.

Hemi chungchangah hian Adviser to CM, MLA Pu Lalmuanpuia Punte chuan hetiang sawiselna a awm hian thalai ten chonaah hmang zawk se a ti a, MPSC Combined Competitive Exam result tihchhuah ah State dang mi zohnahthlak pakhat a tling ve nawlh chu sawiselna thawm social media-ah a ri nasa a. Party tinin ‘Zohnahthlakte luah chin rorelna pakhat a awm theihna tura beih’ tih hi an thil tumah an dah vek avangin sawrkar kal tawhah pawh inhawng zau takin India ram chhunga Zohnahthlakte chu exam an phal thin a, an rawn exam a, an tling thin a, officer lal tak takte pawh an lo awm tawh thin a ti a. Sawrkar kal tawhte lo inhawna kha anni ZPM pawhin an chhonzawm mai a ni a ti.

Zohnahthlak Unate a bik takin Manipur-a mite chu Central-ah an exam nasa a, an tling nasa a, Delhi-ah Ministry hrang hrangah an kal chuan, Zohnahthlak Manipur chhuak an tam em em a, chung mite chuan Mizoram tan thahnem lo ngaihpuie em em thin tute an ni a ti a. Nikuma BSF recruitment-ah khan candidate zaa 60 zet chu Chakma an nih thu a sawiin, Hengte pawh hi harh phah nan hman ni se a ti.

<><><>

CHAWNGTE BJP

Chakma Autonomous Dist Council a Ajasora MDC biala Village Council hruaitu mi 38 ten BJP Party an zawm a,

BJP a laklulh inkhawm hi nimin khan Ajasora-I ah neih a ni a, Ajasora-I, Ajasora-II, Ajasora-III leh Borkolok a ZPM VC member 38 ten BJP an awm tih hemi chungchanga an thuchhuahah an tarlang a ni.

CADC CEM hlui Pu Durjya Dhan Chakma BJP District President ni bawh chuan heng mi te hi an party ah a lalut a ni.

<><><>

LAWNGTLAI-MYANMAR BORDER CLOSED

Lawngtlai Bawrhsap Pu Donny Lalruatsanga chuan thla hnih chhung Myanmar leh Lawngtlai inrina khar a ni dawn a ti.

Lawngtlai AOC veng a cheng thihna thleng leh a nghawng te sawifiahin Lawngtlai DC chuan nimin khan Lawngtlaia chanchinbu mite a kawm a, he thihna avang hian hmalakna kawng hrang hrang kalpui mek a ni, a ti a. Thil sual titute chu 'foreigner' nimahse hremna pek ngei an nih theihna tura hmalak a nih tur thu a sawi.

Lawngtlai SP Pu PC Lalchunglura chuan Pu Lalramsanga ruang chu Ni 15 chawhnu dar 3:00 PM elah Salachhuah leh Chhimtuipui infinnaah hmuh a nih thu a sawi a. Police lamah FIR thehluh a nih tawh thu tarlangin case register - tawh niin, Phura Police station- ah transfer leh a ni ang a ti. SP chuan a chhuina chak taka kalpui a nih tur thu sawiin, murder case - a kalpui a nih tur thu a tarlang. CYLA leh MTP - te nen thawhona tha tak a awm tih sawiin, pawl khawihute chhuichhuaha hremna pe tura hmalak tum a nih thu a tarlang bawh.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

KAWRTHAH

Kawrthah Forest Division chuan phalna nei loa Teak kit a sumdawngte chhui hna ngawrh lehzualin a kalpui chhunzawm zel a. Kar kalta inrinni zan khan, Zawlnuam khaw bulah phalna nei lova Teak thing lakkhawm phur tractor pakhat man a ni a, thingrutute hi an tlanbo hman a ni.

Kawrthah Forest Division chuan Mizoram leilung leh ramngaw hausakna venghima, humhalh turin theihtawp a chhuah zel a. Hemi kawngah hian mipuite thlawpna leh bengvar chhuahpuina a ngen a. Dan lova thingkih leh phurh te, forest produce engpawh phalna nei lova sumdawn nana hmang hriate chuan mahni awmna hnaih her Range Office-a report turin a ngen bawh a ni.

<><><>

PM

Prime Minister Narendra Modia chuan India-AI Impact Summit 2026 chuan mihringte tan Artificial Intelligence hmanga hmasawmna thlen tura ramn a thawh nasatzia tilangtu a ni a ti. Social Media ah he thu hi tarlangin Pu Modia chuan kumin Summit thupui mitin tana hamthatna leh hlimna pek tih chuan ram mipuite thlirdan a tarlang a ni a ti bawh. Prime Minister Narendra Modia chuan India-a AI

Summit hmang tura khawvel hmun hrang hrang atanga hruaitu an lo kalte chu chibai a buk a Summit hmang tura ram hruaitu, industry hotu, innovator, policy siamtute, zirbingna lam titute leh technology lama tui mite chu duhsakna alo hlan a. He summit hian India chu science and technology lamah nasa takin a thang tih a entir a ti a. Khawvel hmasawna lamah pawh India chu a thawhhlawk ber pawl a ni tih a lantir a ni a ti.

Puan tawh angina nimin khan India-AI Impact Summit 2026 chu New Delhi-a Bharat Mandapam-ah tan a ni. Ni nga chhung aw h tur India-AI Impact Summit hi khawvel huap AI Summit Global South rama ngah a nih vawikhatna tur a ni a . He AI Impact Summit avang hian India chuan khawvela AI hmanga thiltihna hrang hrangah a dinhmun a chawikang viau dawn a ni.

Summit ah hian Khawvel ram hruaitu pawimawh tak tak an lo tel a. Heng zingah hian France President Emmanuel Macorn, Brazil President Luiz Inacio Lula da Silva, Spain President Pedro Sanchez Perez-Castjon leh Switzerland President Guy Parmelin te an tel a. External Ministry thuchhuah danin Bolivia, Croatia, Estonia, Finland, Greece, Guyana, Kazakhstan, Liechtenstein, Serbia, leh Slovakia hruaitute pawh he Summit ah hian anlo tel baw k ang

<><><>

INDIA-AI IMPACT SUMMIT

Union Electronics and Information Technology Minister Ashwini Vaishnaw chuan India-a digital infrastructure changtlung leh thiamthil ngah em em mipuite avangin ramchhunga technology behchhana thil thar siam chhuak thinte sum thawhchhuah a pung a ti. Nimina AI Impact Summit 2026-a inkawmhonaah he thu hi sawiin Pu Vaishnaw chuan artificial intelligence AI chu ramchhunga hnathawhna hrang hrangah thil tha zawk tichhuaktu a ni chho mek a ti a. Ramchhunga hmun zaa 90 dawn chu 5G hmanga tuam chhuah tawh a ni a. Hei vang hian ramchhung mipui tamzaw k chuan digital khawvel an pawh pha vek tawh a ti a ti baw k.

<><><>